



小魔女复古衣橱

36 SML
地址:越秀区惠吉东路36号
营业时间:周一至周五 10:30-18:30
周六至周日 10:00-19:00


“小魔女”衣橱

呢间咖啡店叫“36SML”,“36”代表门牌号,“SML”代表衣服尺码。店内展示店主钟意嘅衣服品牌,哥特风格嘅穿搭为主,黑白灰基调嘅衫挂喺转角,好似小魔女嘅衣橱咁,让破旧又原始嘅装修,多咗一分叛逆与浪漫。放喺门口嘅蓬蓬裙,复古而叛逆,係店中嘅标志性打卡点之一。一到下午,店里就会好热闹,附近的打工仔、接送小孩嘅家长都钟意呢个时候来,点翻杯咖啡放松一下。店里口感丰富嘅啤酒美式,淡淡嘅啤酒气泡咖啡中散开,好似让沧桑老屋迸发出新活力;而精致拉花嘅拿铁就更容易出片,复古瓷杯放喺旧枱上,带你一秒穿越到中世纪嘅欧洲。



平时同啲 friend 出来行街 shopping,行到边咗就搵翻间餐厅饮杯下午茶 relax 下。今次 Color 君走入广州老城区,发现咗两家好有意思嘅店铺,外表是老房子,入去发现可以一次过满足你饮啡、影相、试衫三个愿望。呢种充满“魔力”嘅咖啡店,绝对係广东宝宝行街圣地。

黄译萱/文 张子殷/图



“废墟”中探险

经过呢间咖啡店,残破感与精致感形成巨大反差,令人忍不住想入去一探究竟。店主花咗唔少心思,打造呢间“美丽废墟”,店面完美保留咗老洋房嘅原貌,屋顶嘅木梁清晰可见,让堆放咗一堆杂物嘅毛坯房生出豪华感。咪睇店内嘅大部分家具都伤痕累累,枱凳、摆件全部係老古董,有一种复古的精致,比如吧台上摇晃嘅水晶灯、角落堆放嘅旧钢琴和老式缝纫机,有啲係店主从国外淘翻来嘅,有啲係屋主留低嘅,整个空间中西、新旧交融。你会忍不住住观察记录各处细节,好似睇老屋中探险一样。



老房子有魔力



复古裙太迷人

从热闹嘅多宝路转入宁静昌华横街,睇西关旧民居中开启一趟充满烟火气嘅 Window shop 之旅。透过橱窗你会见到华丽嘅欧式连衣裙、精致嘅中式旗袍,推门入去“心梦古着 Vintage”店,好似进入民国千金衣帽间,让人迫不及待想将呢啲靓裙穿上身,然后提起裙摆嘅复古音乐中起舞。店主係一位古董礼服收藏者,她说自己拥有两千多条古董裙,天鹅绒、真丝等材质为主,虽然都係上世纪20到90年代嘅 style,但仲保持住光亮色泽与丝滑手感。店主同时也是一位服装设计师,所以店里还有她自己设计嘅旗袍和礼服裙。



西关84·History Art Cafe·心梦古着 Vintage
地址:荔湾区多宝路84号
营业时间:周一到周日 8:00-20:00

西关屋香甜味

睇完靓衫,我哋去对面嘅“西关84”饮翻杯咖啡,西关独栋小洋楼古色古香,同古董裙最衬啦。换上风情万种嘅复古礼服,以透透暖光嘅西关大屋为背景,影一套温馨又惬意嘅民国小姐大片。传统中式横批窗,西关屏风门窗、屏风、枱面,仲有各种形状嘅彩色玻璃,同有残破感嘅红砖墙相互呼应,咖啡店从外到内都充满西关屋的韵味。而日常静谧环境,简直就係“人”乐园,搵一个角落坐低,点一份美味下午茶,自成一个小小空间。除咗香浓而不腻嘅咖啡,呢度仲有“华夫控”嘅天堂,软糯嘅华夫饼配上各种口味嘅淋酱、雪糕、果干后,美味再升呢,让整间老屋充满香甜风味。

民国千金衣帽间



MEOW HOUSE
地址:越秀区惠吉东路29号105铺
营业时间:周一到周日 12:30-20:00

睇惠吉东西路“扫街”时,发现旧洋楼有好多新潮元素,其中两间风格鲜明又梦幻精致嘅精品店,勾起了 Color 君细个时候嘅回忆。卡哇伊公仔墙面、精致宝宝梳妆台、多巴胺衣帽间……少女嘅梦想世界被高度还原。

黄译萱/文 张子殷、店铺提供/图



古着店有双面

老洋楼嘅楼梯狭窄,但更有隐秘嘅感觉。藏身二楼嘅古着店 Live in vintage,舒适又够私密。店主根据房子原有嘅格局,把店铺设计成两种风格:一边是法式复古风,精致的水晶灯下,是复古嘅沙发椅、钢琴、瓷器、台灯,服饰优雅知性;另一边是迷幻嘅蒸汽波风格,旧玩偶堆满架子,梳妆台边贴满插画,摆放嘅是朋克辣妹风和日式复古风嘅衣服。两种如此截然不同嘅风格,令人印象深刻。

店主曾经在日本做服装设计,店内嘅古着衣服大多嚟自日本。在广州开古着店已经有2年,选址从东山口辗转转到惠吉东,这次装修都是佢亲自上手,经历了不少波折。令佢开心嘅係,楼梯口成为客人最爱嘅打卡点之一,墙面漏水侵蚀嘅痕迹有种做旧嘅效果,配上洛可可风格挂件,复古大片随手即有。奔着做“女仔嘅梦想衣橱”嘅目标,店主会留意客户嘅喜好嚟进货,亦会帮助顾客搭配靓裳,帮佢哋搵翻自信。呢份用心,亦让店主结交咗好多朋友,顾客嘅支持成为佢意外收获嘅美好。



童话小屋浮现

小时候睇啲动漫绘本中,街边总会有一栋童话小屋,带露台嘅一栋洋房,里面都是女孩子喜欢嘅物件。在惠吉东路这里,童话小屋浮现了!粉绿色主调嘅 MEOW HOUSE 被一分为二,一楼係女仔嘅寻宝区,摆放插画、钱包、贴纸等店主心水物件;二楼本来是旧洋楼阁楼,现在加装露台,露台前嘅复古梳妆台放满了造型天马行空嘅可爱首饰,墙上挂满串串手链、袜子、丝巾等配饰,把少女们梦想中嘅房间都实现了。

这家富有少女心嘅小店由三位店主一起打造,其中一位曾係美术老师,有两位都中意 DIY 和设计,所以店里有店主和客人画嘅涂鸦,有店主 DIY 嘅摆件以及改制嘅 Y2K 服装,还有店主们喜欢嘅个性品牌,例如希望“女仔到80岁仍然保持17岁嘅内心”嘅“girl17大龄萝莉”。这里最惹人嘅係,物价相当接地气,让少女们更容易得到自己嘅心水之物。



旧洋房? 梦幻屋!



Live in vintage
地址:越秀区惠吉东路17号二楼
营业时间:周一到周日 12:00-21:00